

mit Salkwasser vnd Aluminis, misch darunder vier theil Tutia præparata, calcinier ihn wider/drey oder vier tag/so wirt er schön lieblich roth/süß ihn ab mit warmē distilliertem Wasser / du magst auch gemein præpariert Salk nehmen.

### Das Aquafort zum Particular.

**V**mb  $\oplus/\oplus/\ominus$  ana zwen theil / O plumosum ein theil / Reib jedes besonder / vermischs vnd distillier durch den Helm oder Retorten ein Aquafort / erstlich mit lindem Fewr / darnach stercke das Fewr biß der Helm gelb wirdt / so behalt das Wasser besonder verlutiert / setz ihm ein anderen Furlag für / verlutier ihn wol / daß die Geister nit hinweg riechen / sterck das Fewr / biß der Helm roth wirdt / vnd gar kein Geist mehr gangen / die behalt auch besonder wol vermacht.

### Spiegel der Philosophen.

Wer da begeret die höchste vnd warhafftigste erkantnuß der Kunst vnd Weißheit / der hohen Weißheit zu wissen / derselbige soll dieses gegenwertige Büchlin ganz fleißig besehen / vnd zum offtermal mit ernst vberlesen / alsdann werden sie ihres gewünschten ziele vnd endes gegenwertig vnd theilhaftig werden.

**I**hn höret zu ihr Kinder der alten Weisen / dann ich komme daher vnd will euch mit dem höchsten / vnd langbrechtigsten Stein / als immer möglich erscheinen / vnd fürnemblichen offenbaren den Stand der Menschen dingen / auch den aller geheimsten Schatz der ganzen Welt / will auch denselbigen / nicht erdichter weise / noch auch spötlich / sondern auff's aller gewisfeste / vnd freundlichste entdecken. Darumb vnd derhalben wollen wir mit solcher andacht zuhören / als fleißig ich euch die Lehr vnserer Meisterschafft fürtragen werde / dann ich will euch vil bessere vnd